

盜夸非道哉

此言誇張之事有廷內而弗灑弗掃者唐風之儉嗇朝甚除
泊則宮室奢靡可知矣田蕪倉虛謂奪民時而不得耕耨竭
民力而無所蓄積華佩服以爲飾豐酒肉以爲養私府庫以
爲富是猶爲盜之人得物多而以夸張於外夏癸商辛是也
豈知道者所肯爲哉

右第四十五章

善建者不拔善抱者不脫子孫祭祀不輟

植一木於平地之上必有拔而偃仆之時持一物於兩手之
中必有脫而離去之日善建者以不建爲建則永不拔善抱

道藏輯要

道德真經註

堯

心集十
川X8

者以不抱爲抱則永不脫善於保國延祚者亦然無心於留
天命而天命自留故子孫世世祭祀不輟有如善建善抱者
也

修之於身其德迺真

承上文而言能使子孫祭祀不輟者惟修德於身而已修德
於身迺全吾常道之真也身外皆長物夫豈有所爲而爲哉
德修於身則報應之效自有不期然而然者而能保國延祚
如此非我欲之也

修之於家其德迺餘修之於鄉其德迺長修之於邦其德迺豐
修之於天下其德迺普

道之真以治身其緒餘以治人家者一身之外九族之內鄉者一家之外鄉遂之內邦者鄉遂之外邦畿之內天下者邦畿之外四海之內修之於家於鄉於邦於天下者自近及遠人人各修其德也然豈人人而教之我無爲而民自化無欲而民自樸爾餘者身之緒餘所及長者視一家又加長也豐者視一鄉又加大也普者視一邦又周徧也邦諸本作國按諸詩序用之邦國焉之下孔穎達疏引老子云修之邦德迺豐蓋漢避高祖諱改作國也唐初聚書最盛猶有未避諱以前舊本也

故以身觀身以家觀家以鄉觀鄉以邦觀邦以天下觀天下

道藏輯要

道德真經註

卷

心集十

德修於身以及於天下無一不修然亦因彼之自然吾無與焉物各付物不相繫者隨其所在觀其所止人人皆自得其分願此大道無爲之治心迹兩忘超然無累如善建者無所建善抱者無所抱也邵子曰以道觀道以性觀性以心觀心以身觀身以物觀物雖欲相傷其可得乎邵子所言蓋亦老子之意

吾何以知天下之然哉以此

上文五者並言獨舉最後之一以總結於後此者天下也以天下知天下邦鄉家身亦若是矣豈不至簡至易哉

右第四十六章